



**Candidatus Abbreviatus Jurisprudentiae Sacrae, Hoc Est,  
Juris Canonici, Secundum Gregorii Papae IX. Libros V.  
Decretalium Explanati Summa, Seu Compendium**

**Pichler, Vitus**

**Augustae Vindel., 1733**

Titulus XXI. De Testibus cogendis, vel non.

---

[urn:nbn:de:hbz:466:1-63440](https://nbn-resolving.de/urn:nbn:de:hbz:466:1-63440)

testimonio veritatis nihil exigi possit, vel dari debat, sumptus tamen itineris, & compensatio lucri cessantis ex omisso labore &c. exigi à testibus possunt; quia officium suum nemini debet esse damnosum, ut habet Regula Juris.

## TITULUS XXI.

*De Testibus cogendis, vel non.*

## SUMMARIUM.

1. *An testes cogi possint ad testificandum.*
2. 3. *An etiam in Criminalibus.*

**Q**Uia subinde contingit, ut nominati ab alterutra Parte testes, & requisiti ad testificandum, testari tamen nolint, ideo  
**I** Dico 1. Testes ad testificandum regulariter, si non sint privilegiati, cogi possunt in causis Civilibus de utroque Jure, et si juramentō se adstrinxissent ad non testificandum, prævia tamen monitione. Text. & DD. in c. 1. seqq. b. t. l. 16. & 19.  
**C. de testib.** Ratio, quia Reipublicæ interest veritatem in Judicio non occultari, sed manifestari. Dixi 1. regulariter; nam ad testificandum super eo, quod quis novit sub sigillo Sacramentali (mirum ex confessione peccatorum ordinata ad impetrandam absolutionem) utique nemo cogi potest: item quod quis novit sub secreto naturali, puta si vel modō injustō notitiam acquisivit, vel justō quidem, sed tacite aut expressè pronuisit al-

teri,

teri, se non revelaturum, modò secreti celatio non cedat in grave dampnum Reipublicæ, aut privati innocentis. *Dixi 2. Si non sint privilegiati, seu excusati, uti parentes & alii ascendentis contra liberos & descendentes: agnati & cognati usque ad sobrinum subrinóve natum, adeoque usque ad tertium gradum: affines, qui sibi sunt instar parentum & liberorum, ut ficer & socrus, gener & natus, vitricus & noverca: atque conjuges, nimirum contra se invicem.* l. 4. ff. l. 6. *C. de testib.* nisi aliunde probatio haberi nequeat, quod probare debet petens compelli testes. A fortiori à coactione immunes sunt, qui ad ferendum testimonium sunt inhabiles, uti excommunicati, infames infamia Juris, perjuri &c. quia eorum testimonium nihil prodeisset. *Dixi 3. de utroque Jure;* de Jure Civili quidem captis pignoribus, vel multâ pecuniariâ, de Canonico autem per censuras, Laici per Excommunicationem vel per Interdictum, Clerici per Suspensionem. c. l. 2. 4. 5. b. t. *Objic.* Si privilegiati possint cogi ad ferendum testimonium, quando veritas aliter haberi non potest, nihil prodest ipsis suum privilegium. *R. Prodest,* quatenus extra hunc casum cogi nequeunt, uti tamen possunt non privilegiati.

Dico 2. In causis Criminalibus criminaliter intentatis de Jure Civili possunt testes cogi regulariter. l. 16. *C. de testib.* Consonat communis DD. sensus, & praxis, nisi nempe crimen ita esset occultum, ut nulla de eo indicia adsint publica, & delictum aliis non esset perniciosum: vel nisi appareret, delictum planè probari non posse: vel nisi testis sciret, factum caruisse culpâ.

De

De Jure Canonico autem regulariter cogi non possunt, ut habet communis & probabilior contra König b. n. 10. & alios ex c. 10. b. t. ibi: testes, praterquam super criminibus, per censuram Ecclesiasticam coactis veritati testimonium prohibere. Concordeat c. 3. & ibi gl. de Testib. ubi habetur, quod testes, ubi agitur de probando crimen, monendi, non cogendi sint. Excipe tamen casum, quo veritas aliter haberri nequit. c. 5. h. t. & quo veritas sine peccato celari nequit, utsi agatur de crimen excepto, vel in futurum perniciose Reipublicæ, aut aliis, vel etiam ipsi delinquenti, si non probetur delictum, & delinquens emendetur; vel si probanda sit innocentia Rei, vel testis se subtrahat ex passione, nimirum vel odio accusati, vel gratiâ aut timore accusantis.

**3** *Objic.* 1. Testi in Criminalibus imminet periculum irregularitatis, vel alterius gravis incommodi. 2. Inhumanum est cooperari ad penam alterius per testimonium: ergo justè se excusat testis, consequenter injustè cogitur. R. ad 1. Non fit irregularis, qui coactus testificatur, licet ex hoc testimonio sequatur mors alterius. Et bonum publicum præferendum est periculo privati incommodi. Ad 2. non peccat contra humanitatis leges, qui per suum testimonium vel maximè promovet humanam felicitatem obediendo Judici, qui plectere debet Reipublicæ noxios & sceleratos.



TITU-